

書名 西湖遊覽志二十四卷 嘉靖二十六年序刊萬曆十二年序江陰范鳴謙修本
撰者 明 田汝成 撰
卷 卷十六
內容分類 史·地理·名勝·浙江
索書號 倉石20405
編號 2037500

卷十六

彩色首頁1

[東洋文化研究所漢籍目錄 編號: 2037500](#)

[東洋文化研究所漢籍目錄所藏漢籍善本文影像資料庫 索書號: 倉石20405](#)

[漢籍善本文影像資料庫文本 西湖遊覽志二十四卷 嘉靖二十六年序刊萬曆十二年序江](#)

[陰范鳴謙修本](#)

[版權所有: 東京大學 東洋文化研究所](#)

[使用上的注意事項](#)

西湖遊覽志第一卷

西湖總叙

錢唐田 汝成 輯撰

西湖故明聖湖也周繞三十里三面環山谿谷縷注
下淵泉百道瀦而為湖漢時金牛見湖中人言明
聖遂稱明聖湖以其介于錢唐也又稱錢唐湖
以輪委于下湖也又稱上湖以其負郭而西也故
稱西湖諸山之脉皆宗天目天目西去府治
十里高三千九百丈周廣五百五十里蜿蜒
深拔峭舒岡布麓若翔若舞萃于錢唐而嶮

惠秀台在吳山書院其地有十小山皆建廟祀神

園亦因之共遊十五里

靈善母觀在西湖山門內

千錢教于池

西湖遊覽志第十六卷

錢唐田 汝成 輯撰

南山分脉城内勝蹟

祠廟

旌德觀蕭相國廟關王廟助聖廟東平忠靖王廟千

勝將軍廟鄴侯祠金華將軍廟昭節廟三忠祠忠烈

祠廣福廟旗纛廟憐忠祠楊清祠三太傅祠褒忠祠

旌德觀在保安坊內舊名先賢祠宋寶慶二年京

尹袁韶建於蘇堤以祀鄉名士烈女共三十九

人人各為贊其名士為唐時陽城許由漢時當

春嚴光吳時餘杭凌統晉時錢唐范平褚陶富
春孫惠宋時錢唐范叔孫餘杭卜天與齊時錢
唐杜京產褚伯玉鹽官顧歡梁時錢唐范述曾
范元琰褚脩唐時錢唐褚亮褚遂良鹽官褚無
量許遠於潛章成緬後梁時臨安錢鏐新城羅
隱宋時錢唐錢俶錢彥遠錢明逸錢勰林逋郎
簡沈文通吳師仁虞奕仁和崔貢餘杭陸詵鹽
官張九成富陽謝絳烈女則晉時富春孫夫人
唐時錢唐馮孝女等明年詔易其額曰旌德觀
中書王堅爲之記元時改建今所 國初燬成

化十一年道士許道昌史志中重建時參政張
寰僉事李璣倡義助之停烈女之祀而增府學
所祀鄉賢共五十五人

蕭相國廟在弼教坊內以奉漢鄧侯蕭何者宋時
廟在汴京南渡後建廟於此蓋戒民坊爲戮人
之京而蕭何定律令平刑獄義有所取耳嘉靖
十四年燬道士蔡如僮重建

關王廟在義和坊以奉漢漢壽亭侯關雲長者宋
嘉定間建元末燬洪武二年道士吳一清重建
助聖廟在忠清里以祀唐僕射褚遂良者遂良字

善登錢唐人博涉文史工隸楷真觀中累遷起居郎侍書在任多讒言太宗欲自觀史遂良諫言未聞天子自觀太宗曰朕有不善卿必記也對曰臣職載筆君舉必書時魏王泰禮秩如嫡遂良諫太子諸王宜有定分太宗嘗恠舜造漆器禹雕其俎諫者十餘不止遂良曰奢靡之始危亡之漸也漆器不止必金爲之故諫者救其源時皇子皆外任都督刺史遂良諫曰刺史民之師帥也臣謂皇子且教以經學養成德器審堪臨州然後遣帝許立魏王泰爲嗣遂良曰若


必立泰非別置晉王不可帝即詔長孫無忌房玄齡與遂良等定策上晉王爲皇太子帝欲自討遼東遂良言非萬乘六師所宜行進黃門侍郎參綜朝政高麗逆臣莫離支貢金遂良引魯納郟鼎之事諫止帝于寢宮側別置院居太子遂良上諫父子滯愛者多愆拜中書令帝疾召遂良無忌受遺詔高宗即位拜右僕射帝將立武昭儀遂良曰皇后無他過不可廢昭儀昔事先帝今立之柰天下耳目何遂良因致笏殿階叩頭流血曰歸陛下此笏乞放歸田武氏立遷

潭州都督徙桂州貶愛州刺史卒父亮散騎常侍弘文館學士祖玠陳祕書監曾祖蒙梁太子中舍人高祖湮梁御史中丞並著名前史

東平忠靖王廟在秀義坊內以奉唐將張巡許遠南霽雲姚閻雷萬春者巡南陽人遠鹽官人天寶十五載安祿山反時巡爲真源令起兵討賊守雍丘與賊將令狐潮大小數百戰帶甲而食裹糲而鬪時有大將六人以勢不敵白巡請降巡陽許諾明日設天子像率軍士朝之人人盡泣巡引六將責以大誼斬之士心益勸戰守積


六旬馬穀三百兵三千遂至睢陽與太守許遠城父令姚閻等合遠與巡同年生而長巡呼爲兄遠自以材不及巡讓巡而居其下巡受不辭霽雲萬春咸彊毅善射時賊將尹子琦楊朝宗等以十餘萬衆圍困睢陽經年乏食士日賦米一勺斲木皮革紙而飽者才千餘人皆癯劣不能殺救兵不至巡出愛妾烹以啖衆遠亦助以奴僮至羅雀掘鼠煮鐵弩以食巡遣霽雲如賀蘭進明乞師不得請進明饗之樂作霽雲泣曰昨出睢陽時壯士不粒食已彌月今大夫兵不

出而廣設聲樂義不忍獨享雖食弗下咽因拔佩刀斷一指卒不食去賊知外援絕圍益急士病不能戰巡西向拜曰孤城備竭弗能全臣生不報陛下死爲鬼以厲賊城遂陷與遠等俱被執巡罵賊不屈與霽雲萬春閻等三十六人皆遇害尹子琦送遠洛陽至偃師亦以不屈死後封巡東平王諡忠靖唐史贊曰張巡許遠可謂烈士夫矣以疲卒數萬嬰孤墉抗方張不制之虜鯁其喉牙使不得搏食東南牽掣首尾逐潰梁宋間大小數百戰雖力盡乃死而唐全得江



淮財用以濟中興引利償害以百易萬可矣巡先死不爲遽遠後死不爲屈巡死三日而救至十日而賊亡天以完節付二人畀名無窮不待留生而後顯也廟建于宋建炎二年元末燬皇明洪武三十年里人吳興捐貲重建布政使王鈞爲記金龍四人王祠萬曆間建沈友儒記千勝將軍廟在新安坊其神張亞夫者巡子也拜金吾大將軍立廟雒陽宋南渡時先汴京有廟者皆得祀于杭故建廟于此元元統間燬皇明洪武間僧廣成重建

鄴侯祠在并亭橋西鄴侯李泌字長源京兆人唐
玄宗時以奇童召見及長博學善治易嘗游嵩
華終南間慕神僊不死術天寶中待詔翰林楊
國忠等嫉之斥置鄆春郡肅宗卽位泌謁見陳
天下所以成敗事帝悅欲授以官固辭願以客
從入議國事出陪輿輦衆指曰着書者聖人着
白者山人帝聞因賜金紫拜廣平王行軍司馬
益親信用事李輔國嫉之泌畏禍願隱衡山有
詔給三品祿賜隱士服爲治室廬泌嘗取松樛
枝以隱背名曰養和後取如龍形者因以獻帝



四方爭效之代宗立召至舍蓬萊殿初泌無妻
不食肉帝強詔食肉納婦焉元載惡不附已出
爲江西觀察使判官載誅帝詔還復爲常衆所
忌出爲澧朗峽團練使徙杭州刺史有惠政鑿
六井引西湖水入城市以便民取汲德宗在奉
天召授散騎常侍貞元三年拜中書侍郎同中
書門下平章事累封鄴縣侯未幾卒史臣贊曰
泌之爲人也異哉其謀事近忠其輕去近高其
自全近智卒位建上宰近立功立名者觀肅宗
披榛莽之朝廷單言暫謀有所寤合皆付以政

當此時必于獻納爲不少又佐代宗收兩京獨
不見錄寧二主不以宰相器之耶德宗晚好鬼
神事乃獲用蓋以恠自置而爲之助也鄴侯旣
薨杭人感其惠立祠于此翼以僧舍俗稱西井
寺宋淳熙十一年賜安國羅漢教寺額景定五
年改嘉澤廟元季燬祠廢而寺猶存成化間都
指揮王景端重繪侯象布政使楊維高拓故祠
而奉之至今祠寺並建祠前有井徑丈許底與
湖通鄴侯所鑿也井中金王魚數百頭游泳噉
噉滋孔日繁

金華將軍廟在湧金門內其神曹杲者真定人仕
後唐爲金華令時郡兵叛杲以計平之吳越王
嘉其功就擢婺守宋初吳越王入朝委以國事
遂卽城隅浚三池引湖水入城以便舟楫王歸
嘉之題曰湧金立石池上杲卒郡人立祠祀之
昭節廟在保安坊其神曰喬元陸軌襄漢人仕周
爲殿侍東三班宋太祖受禪自直詣門入守者
拒弗納乃自移門入旣受朝賀卽召宣祐門守
者一班皆自殺太祖大驚勸救之得不死者二
人詢之乃喬陸也改班長入以青紅二色帛爲

帽飾二人既出後自殺太祖義之命立祠祀之
南渡後立廟于杭州適郡城大火空中見青紅
二旗書喬陸二字火遂息民益神之事聞孝宗
賜額曰昭節

三忠祠在彘和坊東舊名旌忠廟今覺苑寺是也
其神曰高永能景思誼程博古宋元豐間同爲
統軍禦虜銀川戰死廟食于鳳翔和尚原宣和
間方臘寇睦州討捕者禱神而勝敵上其事始
封爲侯南渡後張浚吳玠總兵鳳翔神屢以陰
功助武朝議嘉之加封王爵建廟于望僊橋北


額曰旌忠俗稱三聖廟今三聖橋是其所也高
宗將建德壽宮徙置今所廢覺苑寺以居之

皇明宣德中重建覺苑寺遂奉神爲寺土神

忠烈祠在衆安橋南以祀宋封繼忠侯岳雲烈文
侯張憲者雲乃武穆之子憲爲武穆部將或云
其壻也此橋爲二侯就戮之所里人憐其冤立
祠祀之正德十五年巡鹽御史劉藥拓大其基
叅政鄒虞爲記

廣福廟在鹽橋上其神曰蔣七郎崇仁者里人也
仗義樂施做常平法以家貲糴穀賤糶以救貧


者其第崇義崇信亦承兄志行之六七十年規
 以為常里人德之此卒即其家立祠祀之有禱
 輒應咸淳初京尹潛說友請于朝賜廟額曰廣
 福封崇仁孚順侯崇義孚惠侯崇信孚佑侯淳
 熙間京尹韓彥質將改作其祠神忽憑老兵言
 願徙橋上遂立廟焉士女爭趨之日擁隘橋東
 西十餘丈至不得旋踵兩街沽酒作餚餌鬻象
 馬錢二三十家供給不暇至今父老言神異事
 甚多而石塘胡長孺為神作傳述宋時劉宗申
 事獨著云劉宗申者暴戾士也以縱橫說游蜀



荆江淮間客李曾伯所怨曾伯子杓誣以陰事
 罪至死曾伯納官以贖猶除杓名劉借七寶寺
 館焉買妾置券盛陳金銀器飲食妾父若牙僧
 夸示多藏奴薛榮刺知藏所夜懷刃入劉臥中
 殺劉擇取藏物逃去捕急臨安尹韓君矢侯曰
 三日不獲榮夷廟毀像榮卜往崇德利韓君亦
 卜往崇德必見獲已而往崇德果獲榮榮自言
 逃時常彷彿見邏人從而後以故不能去其自
 疑若有攝者然也胡長孺曰前此四十四年在
 虎林聞故老誦說趙忠惠公為臨安尹會城中

見口日食文思院米三千石民間又藉北關天
宗水門米船入四千石乃爲平糴倉二十八廩
於鹽橋北糴湖秀蕪常刈米置碓房舂治精善
歲六十萬石輒取賤價糶與民竟尹去十三年
米價不翔民不食糲惡馭僧不罹刑今口籍除
去乘來與故時無懸殊若牧守人効忠惠時規
模民亦効孚順侯昆季飢歲尚使勿知况平歲
耶

旗燾廟洪武三年建于都督府後以祀軍牙六燾
之神每歲驚蟄霜降祭之八年都指揮使徐司



馬改建于普濟橋東詔停春祭歲霜降先一日
本司以所製軍器遶城迎之鼓吹殷作謂之揚
兵至日乃祭

憐忠祠在清河坊內以祀 皇明贈太傅于肅愍
公謙者正統十三年 英廟北狩謙以兵部尚
書當國有功竟以誣戮弘治初勅建憐忠祠于
其故第

楊清福在褚家塘以祀 皇明四川按察僉事王
琦南京刑部郎中項麒者琦字文璉錢唐人永
樂間舉于鄉除汝州學正尋授監察御史陞山

西按察僉事提督學校以母憂去起復四川整飭兵備非其好也乞歸歷官清白家無石儲衣敝以紙補隙嘗歲暮大雪僵臥數日人有憐而餽食者致恭則受稍急即辭卻之曰吾不忍啖嗟來也郡守胡濬聞而餽之百金不受乃述其清行聞于朝以上命賜之珩復辭曰祿以養士未聞養民也無功而食將無愧于心乎士流莫不嘆服竟以飢寒發病卒麒字文祥仁和人景泰間以貢士授南京吏部司務遷工部營繕司員外郎成化初以母病乞改南京授刑部福建

司員外郎陞江西司郎中以病告歸雅操尚潔不入公府嘗不給于饗食而吟詩鼓琴晏如也巡臺藩臬若郡縣之長欣覲高標而麒終不肯屈節往見正德二年平潮令審某被逮于臬司憲長邵公諭之曰何不學項正郎清白正人在邇而不往親炙自恐點染何也嘗頓首出齋百金入費于麟麟厲聲曰君事果在法司自能直之苟不枉則受罪乃其所也既剝民以自饑復以饑已者饑人是誠何必哉齋赧汗而退明日麒無疾而卒年八十有二正德十六年御史唐

鳳儀廉二公清節以其血褚侯射同里也表其
閏曰忠清里嘉靖十一年金唐令王欽立二公
神位于褚祠併祀之二十三年提學副使孔天
胤郡守陳一貫以凝真道院奉二公題曰揚清
祠

三太傅祠在薦橋東舊十方寺基也當熙春橋西
元僧也里可溫建久廢嘉靖二十一年吏部侍
郎謝丕建祠以奉晉贈太傅謝安宋贈太傅謝
深甫 皇明贈太傅謝遷者安字安石金陵人
年四歲桓爨見而嘆曰風神秀徹當不減王東

海及總角神識沉敏風宇條暢善行書王導深
器之寓居會稽與王羲之及高陽許詢桑門支
遁游處出則漁弋山水入則言詠屬文無用世
意屢召不起有司劾請禁錮終身安遂往臨安
山中坐石室臨濬谷悠然嘆曰此與伯夷何遠
安雖放情丘壑然每游賞必以妓女從既累辟
不就而安妻者劉惔妹也見家門富貴而安獨
靜退乃謂曰丈夫不當如此耶安掩鼻曰恐不
免耳年四十餘始有仕進志征西大將軍桓溫
請為司馬將發新亭朝士咸送中丞高崧戲之

日卿累遣朝旨高臥東山諸人每相與言安石不肯出將如蒼生何蒼生今亦將如卿何安甚有愧色頃之拜侍中遷吏部尚書桓温卒進安中書令尋拜衛將軍開府儀同三司時符堅率衆號百萬次于淮淝京師震恐兄子玄入問計安夷然無懼色荅曰已別有旨旣而寂然玄不敢復言乃令張玄重請安遂命駕出山墅親朋畢集方與玄圍棋賭別墅安常棋劣于玄是日玄懼便爲敵手而又不勝安顧謂其甥羊曇曰以墅乞汝安遂游涉至夜乃還指授將帥各當

其任玄等旣破堅有驛書至安方對客圍棋看書旣竟便攝放牀上了無喜色圍棋如故客問之徐答云小兒輩遂已被賊旣罷還內過戶限心喜甚不覺屐齒之折且矯情鎮物如此薨贈太傅謚曰文靖○深甫字子肅台州臨海人少穎悟刻志爲學舉進士調嵎縣尉越帥方滋錢端禮皆薦深甫有麻廡才調崑山丞爲浙漕考官一時士望皆在選中司業鄭伯熊曰文士在不乏求且譬如深甫者實鮮深甫曰文章有氣骨如泰山喬嶽可望而知以是得之知青田縣

御史葛邲等薦之孝宗嘗見奏對雍容除籍田
今紹熙改元權給事中會韓侂胄破格轉刺史
深甫封還內降云侂胄為越九官而轉遙郡僥
倖一啓攀援踵至請罷其命二年知臨安府光
宗面諭曰京尹寬則廢法猛則厲民獨卿為政
得寬猛之中每禁庭燕私左右有希恩澤者上
必曰恐謝給事有不可且寧宗朝累拜右丞相
尋以少傅致仕薨以孫女為理宗后追封信王
謚惠正○遷字于喬餘姚人成化十二年舉進
士第一累官修撰諭德學士進大學士 敬皇

帝晏駕與太學士劉健李東陽同受 顧命輔
毅皇帝即位正德初議政不合致仕歸嘉靖初
召進少傅兼太子太傅尋薨贈太傅謚文正

褒忠祠在錢塘學宮之東舊為清軍公館萬曆二
年侍御萬安蕭公廩改祀 國朝革除死事諸
臣修撰王叔英博士方孝孺副使程本立都御
史陳性善太常少卿盧原質左拾遺戴德彞都
給事龔泰戶部侍郎卓敬盧迥谷府長史劉璟
蕭縣知縣鄭恕東平州吏目鄭華監察御史鄭
公智陝西僉事林嘉猷檄有司以時致祭云大

學士呂本為之記

西湖遊覽志第十六卷終

西湖遊覽志第十七卷

錢唐田汝成輯撰

南山分脉城內勝蹟

道院

宗陽宮龍翔宮靈順宮佑聖觀景隆觀玄同觀紫瓊觀

宗陽宮本宋德壽宮後圃也去吳山東北五百步
新宮橋之東三聖廟橋之左先是紹興間聖氣
者言其地有德壽宮之祥遂建德壽宮高宗禪位
後居之咸淳四年以後圃築道宮曰宗陽祀感

新